

# 靜寧州志

卷一

疆域志

卷二

建置志

卷三

賦役志

鴻彝吾兄存閱

張聲威敬贈



序

郡之有志。猶國之有史。所以紀往昭來也。其徵事也。貴約而能詳。其遺辭也。

貴贍而有則。使觀者鑑前考後。較若列眉。斯足稱一邑之法守矣。我

朝

列聖相承。

重熙累洽。百餘年來。仁漸義摩。雖窮鄉僻壤。皆克鼓舞而振興之。信乎道德一。

風俗同。車書之盛。振古所未有也。是以往歲我

聖天子特命儒臣纂脩

大清一統志。頒示中外。永著章程。凡爲民牧者。固已敬受而詳讀之矣。然形勢

序

封疆雖歷世不改。而變通廢置。或與時偕行。况教化薰陶。人文奮起。凡忠孝節義。可以坊表一世。傳示來茲者。今亦何異於古所云耶。此郡志之續修。所以必有待於繼事之人歟。顧其中亦有難焉者。昔楊子雲之紀方言也。懷鉛提槧。遇而輒書。用力之精專。可謂至矣。而論者猶謂其時多繆漏。不免爲琬琰之瑕。宋子京之修唐書也。其自言曰。事增而文省。乃字晦句濇。鬱而難明。後之人更不無遺議焉。則志之修也。豈可易言哉。蓋志也者。固亦史之流也。無其識則不足以分別得失。無其才則不足以提挈綱領。無其學則不足以起例而發凡。信今而傳後。三者有闕。則高言何由止於衆人之心乎。今靜寧王牧之續修州志也。山川賦役。風土人物。皆能詳明該備。而取閱之。若者宜

於古。若者宜於今。若者爲休養所致。若者爲教育所成。嗚呼。是豈徒細書莊刻供案頭之把玩已哉。蓋

國計民生。將於是乎在矣。爾州牧尙勿失此意焉可也。

峇

乾隆十一年丙寅歲仲冬既望署理臨洮道兼管通省驛傳事務按察使司副使遼海張廷枚撰

序

蘭州俊華印書館排印



序

扶輿磅礴之氣。峙而爲山嶽。流而爲河海。發而爲人物。其間靈者蠢者。秀者頑者。良者楛者。莫不類聚羣分。以呈造物化工之異。因是家有乘國有史。里有志。要皆萃薈羣奇。以備奔世之博覽。志之彷彿。乘而作也。事綦重哉。余宦遊甘省十載。於茲嘗往來秦隴間。憑眺山水人物。曠然遐思。以爲天地清淑之氣所聚。丙寅春奉

簡命由五涼調守高平。視事後州牧例得進志。公餘披覽。見其疆域建置賦役。及官師選舉諸篇。類皆原原委委。縷晰條分。稽成斯編者。廼前牧奉天澹園黃公也。公誠賢矣哉。越三月觀風十城。閱靜寧卷。拔其尤者。生童得若干本。

序

蓬蓬勃勃。曠如奧如。因嘆山水之秀。蔚爲多士。志之所傳。殆不虛。茲於小陽下浣州牧王君。復以續修州志賚。兼請問序。余思司馬氏爲太史。得窺金匱石室之藏。然必涉沅湘。登九嶷。溯洞庭。探禹穴。窮覽異書。始得上下千百年之事。余弇鄙士也。何能文。顧辨方。程土。問俗。考風。與有責焉。爰是不避卑陋。搦管而記其概。思夫作志於志。方作之日。創例爲難。作志於志。既作之後。備體則易。然前之難者非易。而後之易者愈難。何也。非居平究心政治。革興之故。不過守其舊編。否則襲其往迹。卽或標奇立異。推陳出新。非舛駁。則疎漏無取焉。故曰難也。今觀疆域建置。賦役及官師選舉諸篇。與夫發凡起例。記表繪圖。尤皎若列眉焉。以視黃公作。不誠後先輝映乎。迨閱義學新渠。養濟

院三條。雖踵祝黃二公之跡。而酌古準今。宜民善後。非同因陋就簡。蓋由居  
平究心政治。革興者久。故創建貽謀。規模非隘。余忝居表率。弗克補偏救弊。  
爲十城先覩斯志也。竊滋愧已。然其綿山嶽之秀。接河海之靈。長人物之盛。  
俾數十傳。而因革損益。美善加詳。以爲一邦信志也。更厚望於良牧之繼起  
者。

峕

乾隆十一年歲次丙寅黃鐘月上澣

中憲大夫知甘肅平涼府事粵西歐陽永禱蘭畦氏撰



系自書堂少可名一

一



續修靜寧州志序

攷志乘之作。固仕路之先資。文人之外廐也。或輶軒問俗。藉以諏謀。或攬轡登車。廣其咨詢。而博通之士。搜羅所及。亦不廢丹鉛。其善者。往往與信史相埒。誠非風雲月露之文。所可同年而語也。第誇多者。失之浮。務簡者。失之略。而州邑之志。又每義例雜揉。私心自用。考據無實。鄙陋遺譏。則不但浮與略而已。此宋敏求。康對山。長安武功二書。所以獨見稱於世也。甲子之春。余捧檄入秦。歷函關。經太華。而至京兆。俄焉渡咸陽而西。道古幽。陟涇原。過北地郡。遂越六盤。以至隴干。蓋六盤以東。氣象萬千。六盤以西。川原迥別。此隴干所以爲山外首衝也。征車甫下。卽按其山川。考其圖籍。知斯州固宋時用武

之地。明時隸籍軍衛。頗稱殷庶。迨其末年。以饑稜寇攘。遂至凋敝。本朝以來。戶口漸滋。土田日闢。近較三十年前。又加色起。蓋熙皞之民。幸生無事之日。休養生息。沐浴膏澤於

聖世者。已相忘於百年之久也已。爰思前牧黃公所纂州志。迄今又三十載。其疆域山川。官師人物。選舉諸類。又有變遷而損益者。因規本前志。重加修輯。文從其實。事取其該。義例考據。悉以通志爲斷。豈敢云踵事而增華。亦聊以存一州之典故。使蒞茲土者。得以取資。而學士聞人。登臨懷古者。或問一寓目云爾。抑斯州之志。幸有黃公作述於三十年之前。而余得纂續於三十年之後。倘再越世而更有好事者。復爲編輯。則必愈增備美。不然。雖以敏求之。

長安對山之武功以云稽古則得矣。以云稽今則未也。因并書之以告來者。  
昔乾隆丙寅春錢塘王烜自記

序

蘭州俊華印書館排印



靜寧州志目錄

卷首

自序

凡例

圖

表

第一卷

疆域志

沿革

SHENNINGZHIZHIMULU

目錄

蘭州俊華印書館排印

道里

形勝

山川

渠泉溝岔坪峽洞附

里衛

鎮堡附

第二卷

建置志

城池

官署

儒學

書院附

倉貯

驛遞

兵防

堡砦  
城梁附

雜置

壇廟  
寺觀附

第三卷

賦役志

地丁



鹽課

雜稅  
水磨市集附

更名

三衛

戶口

風俗  
月令附

物產

典禮

第四卷

官師志

宦蹟 有目

名宦

循卓

第五卷

選舉志

科甲 武附

貢士

監生

吏員

第六卷

人物志

鄉賢

遺獻

孝行  
附孝婦孝女

節烈

命婦

地封

儀賓

恩廕

鄉飲

第七卷

藝文志

文

詩

詞

第八卷

雜集志

古蹟

古墓

遺事

兵戎

祥異

蠲賑附

瑣記

瑣談

安定監

仙釋

仙釋

目錄

蘭州俊華印書館排印

靜寧州志目錄

終

參閱

學正王錫年喬生 邵陽

訓導張正卿臺弼 寧羌

吏目程 淮禹工 大興

金之騏名標 錢塘

監生王 燾象虞 歸安

學生朱 紉遴書 歸安

參訂

貢生馬一熊應兆 靜寧



拔貢趙為卿紹蘭 靜寧

全校

舉人閻 謐寧之 靜寧

貢生于元鯤兆鵬 靜寧

貢生何呈璽映琮 靜寧

學生李蔚宮錦章 靜寧

學生王 懔靜思 靜寧

學生江自嵐騰百 靜寧

監生王之鈞會九 靜寧

靜寧州志卷首

凡例

一凡志之體裁有二舉其要會運以議論此史家斷制之體康對山武功志是也直序其文粲然明備議論另列其間此史家編記之體今各省通志是也作述義殊其爲仕人之取資則一耳是編一倣通志體裁而條目則簡而約之其文則以黃志爲本而參酌於

國初李公志庶幾可以續前賢而俟後人之更定焉

一疆域建置二篇重加考訂詳悉備記其沿革之無誤則悉遵黃志如李志以通遠軍爲州地今按鞏昌府志云元魏爲隴西南安二郡隸渭州宋熙

寧五年置通遠軍屬秦鳳路李志以德順爲渭州因譌通遠軍旣屬渭自當在德順而不知鞏昌亦隸渭州也德順軍止隸渭州非爲渭州也此李志遺誤之大者今據黃志悉爲較正疆域始清矣

一賦役志據乾隆甲子年奏銷冊爲定嗣後或有增損應俟後人重訂爾

一風俗月令似宜分條然民間農圃作息以及冠婚喪祭之間俱因時移易詳風俗所以詳月令也

一名宦外有循卓及鄉賢外有遺獻亦變例也俱有論註本條前

一監生止錄其已登仕籍者有論附見於本條

一人物事業功名不無大小之異然敘列前後朝代不可紊也前志以事功

之大小列人物之先後殊失倫次今依代數敘列之庶位置宜而人心安矣

一節烈據前志開載二十七人暨三十年來續舉一十九人俱未經題請旌表似可不必鑄入然川嶽正氣時在人間雖深山窮谷之中不無堅貞不拔之操祇以身處窮簷稱揚無路遂致柏舟之風沉埋黃土良可惜也今並入之庶幾表幽德而作閩範焉

一古蹟陵墓前志載入疆域今編入雜集

一安定監已歸通渭似不必志然曾隸靜寧不可沒却今錄存其略附之終篇卽主山歸華亭而仍入靜志例也

凡例

蘭州俊華印書館排印

一志有藝文所以載記事實點綴風土非嘲風弄月之比自明迄今詩文若干首凡有關於地方有裨於政治者並錄之餘不濫入

一明志散失無存止有順治間李公舊志藉以考核人物質證事實州士王之鈞呈閱可謂能守先籍者而採輯三十年來前賢事蹟則州士馬子一熊趙子爲卿二君與有勞焉

# 州治圖

## 續修靜寧州志卷首


圖

隆德界

華亭界

一

蘭州俊華印書館排印



原固衛界

神林鋪

亂柴鋪

司家川

東口

通通

陳家洞 葛家洞

腰崖

主山

水清界

林泉寺

焦驛店

洛水城

紫荊山

良楚店

董麻林

壁照

計都鎮

莊浪縣

魚務鎮

底店

甘肅川

高振寨



集家單


北碛

續修靜寧州志卷首

二


蘭州俊印書館排印





續修靜寧州志卷首

圖



二

蘭州俊印書華館排印



歷代沿革表

									秦
									漢
									三國
									晉
									南北朝
									隋
									唐
									五代
									宋
									金
									元
									明

屬北地郡

屬阿陽縣  
屬天水郡

屬阿陽縣  
屬漢陽郡

屬安定郡

屬阿陽縣  
屬渭州

屬渭州  
屬渭州

屬秦鳳路  
屬秦鳳路

隴于縣  
元祐八年置軍治

隴于縣省入州  
州治  
威戎縣  
金置屬  
德順後  
廢  
治平縣省

度安軍節  
年升隴  
貞祐四  
鳳翔路  
定中屬  
升州大  
統二年  
秦路皇  
初屬熙  
德順軍  
靜寧州

州領  
莊隆  
後縣  
領止  
浪莊

本朝		
亦初置仍隸明平置涼府治遂五年無領莊浪縣		

慶歷八年置通

州金置屬

初置莊浪

縣降

德順軍

改州屬

州

通邊縣

浪路大

屬

金置屬

鳳翔路

屬

水洛縣

隆德縣

屬

德順州

屬

屬

天禧元年

隆德縣

屬

年置羊

州

屬

慶歷八年

州

屬

年置隆

嘉

屬

德順軍

隸

府

靜寧州志卷之一

錢塘 王烜蘭坡 修定

疆域志第一

仕者入境必先詢幅員之廣狹壤地之肥瘠都鄙里甲之遠近然後徐及乎其他此疆域之所爲首志也斯州據隴外衝衢蔓連七邑且十分之中山居七八耕鑿之民半星散於溝岔坪峽間卽以聚米晝沙之智有未易明者展斯卷也數百里輿圖殆從茲可考而有志於體國經野之方者或有取焉

沿革

靜寧天文營室分野

通志平涼古安定郡入營室一度

禹貢雍州之域周定職方爲要服戰國屬

沿革

蘭州俊華印書館排印

秦秦屬北地郡漢置阿陽縣屬天水郡舊志武帝分置安定郡屬安定後漢因之屬漢陽郡

晉省舊志晉如漢屬安定西魏屬會州隋唐屬渭州中陷土番大中間收復五代宋因

之宋景德元年知渭州曹瑋始於隴山外之隴干川創築隴工城以控西夏

慶歷三年經略使韓琦奏隴干為山外四砦之首請以其地建為德順軍屬

秦鳳路元祐八年置隴干縣為軍治金皇統二年升軍為州統隴干水洛威

戎治平隆德通邊六縣屬州隸熙秦路大定二十七年改德順州隸鳳翔路

元初併治平水洛入隴干縣後復省隴干改為靜寧州領隆德縣屬鞏昌路

明洪武初魏國公徐達帥師至境州民趙希顏率眾歸附仍元州領隆德縣

三年降鳳翔府莊浪州為縣來屬并領隆德為二縣隸平涼府嘉靖三十八

年以隆德隸府。惟領莊浪。

本朝因之。順治五年。莊浪知縣秦之鉉申請亦直隸府。於是靜寧無領縣。康熙三年。裁前明苑馬寺之安定監。凡六營。併治靜寧。雍正六年。因通渭地震。撫臣題請以通渭移治安定監。遂割安定監屬通渭。雍正五年。奉裁各衛。遂撥平涼固原二衛之附近者。八年。又撥岷州衛之附近者三衛。屯民共六百餘戶。俱改隸歸州。統計州治凡爲里十四。爲衛三。內包莊浪。外接七邑。其詳如左。

道里

治在府西二百三十里。去陝西省城九百里。去蘭州會城五百四十里。去

京師三千四百里。

州境東接隆德界二十里，東南接華亭界一百二十里，清水界一百六十里，南接秦安界一百六十里，西南接通渭界八十里，西及西北接會寧界六十里，北接固原界四十五里，東北接隆德界四十里。

東五里至下峽口，又七里至上峽口之平家河，五里至司家川，五里至隆德之

亂柴鋪，凡二十里。

過亂柴鋪五十里，頁河子有州地。

南十里至靳家寺，十里至營屯寨地，二十里至威戎鎮，三十里至雷搭灣，五十里至人當川之合河口，四十里至好地掌，凡一百六十里，交秦安縣界。又州南三十里至乾磴鎮，五十里至莊浪縣，四十里至水洛城。又水洛西南

三十里至朱家店五里至石門十里至垂家川凡一百六十五里接秦安縣界之蓮花城

西七里至趙石坡十三里至下張節寨係平涼衛地二十里至雷陽鎮二十里至張

家峽係岷州衛地十里至石家河凡七十里接會寧縣之梁家河

北三里至高鎮寨二十里至張閻川又東二十里至單家集以上俱固原衛地凡四十

五里接固原界

東南五里至陳家坡十里至馬蘭岔十五里至乾磴鎮五十里至曹務鎮二十里至底店鎮二十里至通邊鎮凡一百二十里接華亭界之林家峽又自

水洛城東南三十里至韓家店十里至焦家店凡一百六十里接清水縣界

之綿羊嶺。又水洛東二十里至良埜店。十里至章麻林。十里至野趙店。二十里至通邊鎮。凡六十里接華亭縣界。

西南二十里至拋龍川。二十里至同家堡。二十里至溫家川。凡六十里接通渭

縣界。又自威戎而西。迤南四十里至治平川。凡八十里接通渭縣界。

西北十五里至官道岔。三十里至高家堡。十五里至界石鋪。凡六十里接會寧

縣界。

東北至單家集與隆德之張節寨交界。凡四十里。

形勝

隴水環流繞帶河渭。元德順川志據蘭會之肩。通河隴之道。舊志左枕六盤。右跨會前。



控秦隴後拒蕭關。州一統省志云靜甯隴坂環峙河渭潏流宋天禧中曹瑋築

隴干城曰異時涇渭有警此必爭之地隆興中吳璘復秦隴諸州朝議棄還

虞允文言恢復首先陝西陝西新復州郡係德順之存亡一旦棄之則窺蜀

之路愈多西和階成利害至重不可不審蓋靜寧為隴口要地自隴以西保

據所當先也。

山川 渠泉溝岔  
坪峽洞附

東山 在州東五里宋吳璘命子挺築堡東山以拒金即此舊有烽臺八景謂

之烽臺遠眺又三里有黃花山。

翠屏山 在州南三里有聖母宮文昌閣藥王廟等祠。

凡例

蘭州俊華印書館排印

五台山 在州南三里山麓有靈湫遇旱有禱輒應上有正武三官文昌龍君等祠山勢五疊險峻崎嶇爲州境大觀罹五十七年地震一時傾頽止留子孫元君一宮。

風臺山 在威戎北其南曰石堡山上有正武等祠西南曰小宇山

武山 在州西南八十里近治平川多產奇花異草四五月之間絢爛奪目

宋家山 在州西南九十里近武山山左有峪曰松柏峪昔多松柏今牡丹繁植又里許有鳳龍山上有東嶽行宮金大定間碑記尙存與鳳龍山相對爲紅堵山又西曰鞍子山又西南四十里曰西界山

紫荊山 在水洛城內以紫荊樹徧山故名上有玉虛諸宮樓臺掩映青翠奪

目、四時遊人玩賞。

隴山 在水洛城西北二里許，乃水洛川及犢奴水所出，上有宋劉將軍漚祠並墓。

旗鼓山 在水洛城南里許，或曰卽劉將軍屯兵處故名。

雲臺山 在州東南一百二十里，連峯犴青，長河繞碧，四時煙景，縱目可收。  
古南峯寺，又南二十里有桃花山。

興龍山 一名佛崖灣，在水洛城東四十里，山勢巍峨，祠宇參差，樹木陰濃，勝景也。峽水潑洄，畜魚最盛，有大至斤許者。

乍門山 在水洛城西三十五里，兩山屹立如門，河水中流，舊志云兩峽平分。

月從岫出，澗疊盈耳，清流映川，奇景也。上有秋月觀，諸勝八景，謂之石門秋月。此卽隴山北垂。宋劉滬破氏羌於此者，其南爲高廟山。

鳳凰山 在州南治平川右，二水盤紆，老松偃蹇，晚翠朝霞，景光如繪。上有東嶽廟，創自唐隋間。

孫家山 在州南一百五十里，脈接秦隴諸山，號稱陸海，林藪淵澤，深不可測。又州南一百三十里有七架山。

魚嘴山 在水洛城東四十里，六盤湫頭之支也。左連石頭山，右接鳳凰山，前爲秦家山，後爲乾岔山，入峽林樹蔥鬱，樵徑出入，而石頭山懸巖欲墜，與湫頭相距不遠，亦六盤之支云。

主山 在州東南一百五十里原係務本里阜民坊境自韓家店入峽三十里至山舊志云山勢環抱溪水潔洄松杉柏檜翠竹名花蔚蔚蒼蒼青蔥掩映且多仙踪古蹟無地不爽人心目廣輿記不載爲名山者必古人周遊未到耳上有元武殿寶蓮洞千佛閣大雄殿睡佛寺準提菴文昌宮觀音閣並東西長住等處率皆石磴峭壁盤渦懸澗秀拔奇聳莫可名狀明永樂間敕封張三丰於本州主山寺八景謂之主山名勝隆慶間居民爭利呈進韓藩本朝順治五年姦民自行告入華亭今其地遂屬華亭矣

西巖山 在州西七里有甘泉五味清冽上有古寺八景謂之西巖積雪西北

三十里曰盤龍山山腰俱有廟宇西南三十里曰鳳凰山亦有祠宇

九龍山 在州西北十五里，祠宇層疊，古樹陰濃。

馬圈山 在州北八里，宋二吳將軍牧馬處。

橫山 在州北十里，山勢橫亘，舊爲番部所居。

高家堡川 在州西四十里，源出會寧青家驛，東流過界石鋪，經孫家寨，南流

至細巷堡，合梁家河，出天麻川口，與甜苦二水匯焉。又里許合溫家川，麻家

川，流二十里，經同家堡，拋龍川，東流至鮑家嘴。

拋龍川 在州西二十里，宋任福輕騎趨懷遠，捺龍川卽此。

門扇川 在州東南八十里，源出六盤諸山，西流至曹務鎮，經乾磴川，西流至

威戎川，過新店子，入受家峽，出王牢兒峽，經陽三川，以達於人當川之合河。

口、

威戎川 在州南四十里、或以爲卽水經注之燕無方城諸水也、又威戎鎮南五里有湧泉、泉孔如篩、瀆水成池、周圍九十步、灌溉園蔬、頗資民用、八景謂之威戎湧泉、今涸。

陽三川 在州南九十里、自莊浪縣流入苦水、水經注受渠水、東出大隴山、西經受渠亭北、又西南以達於人當川之合河口。

水洛川 在州南一百二十里、發源隴山、合犢奴川、經石門峽、西南入人當川之合河口。

治平川 在州西南八十里、一從鞍子山、經通渭之蔡家堡、一經郭家岔、至鳳

龍川之麓二水合流繞古城而東南以達於合河口。

底店川 在州東南一百一十里源出華亭之林家峽西流經計都川過莊浪

入磨石峽以達於合河口。

通邊川 在州東南一百二十里源出隴山經林家峽過佛崖灣西流至野照

良埜二店匯章麻川又焦韓店水自主山歷靈泉寺出川口入水洛川合流

過石門峽至垂家川以達於合河口。

合河口匯衆流經塔兒峽至三陽川俗名葫蘆總為隴河以入於渭。

隴水 在州南一里發源六盤之陰過神林堡出上峽口水味甘美俗名甜水

河。舊志按六盤為隴山尾故水為隴水。

長源河 在州西三里源發固原須瀾山北味苦俗名苦水河卽一統志所謂



苦水橋處也。由北峽繞城而南，七里與甜水匯焉。

興隴渠 靜寧故無水利，明成化間知州祝祥始於東郭之郊，以銀三十兩布

百疋，市平涼衛後所屯地五十畝，引上峽水疏渠爲水輪二，今止存一其餘置爲

官園。萬歷間郡倅楊守約攝州事，又分開數渠，復修水輪凡十許，餘流可灌

蔬園，水利肇焉。舊渠自城東繞城西入河，長堤一帶濚繞曲折，號爲玉帶堤。

康熙五十四年，州牧黃公廷鈺築壩於東峽口，盡引河水入渠，而以時蓄洩之，濬其故道，更加蔬鑿，名曰興隴渠，可灌田數百頃。嗣被山水冲決，壩不能修，渠水仍舊。

新渠 乾隆十年七月，內山水暴發，渠壩傾頽無存。州於乾隆十一年捐俸重

修由州民李進國、衛民楊林地內、鑿開新渠七十丈有奇、詳藝文自記、

溫泉在州南三十里之乾嶺川、隆冬不凍、俗名暖水河、舊志云暖水河源出曹務鎮之東西至張傳堡入沙復濬

出於廟兒堡開渠引水、激磨不凍、民咸利之、西流新店子入大河、

威戎乾嶺二泉、皆有灌溉水輪之利、而乾嶺水暖、隆冬不凍、故稱勝、自水洛

垂家川以及人當川、為州境諸水之匯、其澤尤溥、

英家溝、離城十里、即吳將軍舊址、說者謂古鴉兒溝也、內有交河山多奇峭、

牛站溝、在城南三十里、道路崎嶇、溝崖險峻、

官道岔、在州西北十五里、上有殿宇、居民香火之場、

白土岔、在城南二十里、內出白土、謂之像粉、能去衣垢、可墾牆壁、

馬蘭岔 在州東南十五里以徧地生馬蘭花故名。

邵家坪 在州東南一百二十里坪有古槐二株大十餘圍相傳爲漢晉間物。

石馬坪 在州西南六十里俗傳夜靜見羣馬食田衆以百矢射之遂泯跡次。

日視之皆石馬也因名。

上峽 在州東五里卽興隴渠之原。

北峽 在州北五里卽苦水遊處。

蟄斯峽 在州南五十里石盤山麓衆水紫蕪冬蟄於此。

王牢兒峽 在州南陽三川石山哈呀嶙峋拔峻有石洞古蹟并斧鑿痕河水

激宕澎湃鏗鞳俗傳神禹所開。

文家峽 在州南五十里內有仙人橋兩石相對突出如梁其下溪流湍激  
喧有聲

合河口峽 在州南一百二十里二水合流石山對峙沙灘旋渦深不見底

石門峽 在州南一百五十里

陳家洞 距水洛城四十五里幽林鳥道峭壁插天深洞層樓下臨絕澗林木  
陰鬱爲虎豹出沒之所與葛家洞俱稱州南之大觀也

葛家洞 距陳家洞南五里或謂卽葛仙翁修道處崇山峻嶺別開洞壑峯高  
谷深洞壁間時掛流雲諺云雲立則雨雲臥則晴云

里衛

鎮堡各  
路附

州治分里凡十四曰阜民坊、養民坊、在城曰太安里、樂土里、在州西約五十里曰遵

教里、仁和里、在州西南約一百里曰義和里、在州南約八十里曰通化里、廣城里、在州東南約九十里曰勤

農里、務本里、在州東南約一百五十里曰從政里、治安里、在州西北約一百一十里曰更名里、在城西北係改置前

明廢  
藩地

鎮店曰水洛城、城南一百二十里朱家店、城南一百二十里焦韓店、城東南一百五十里通邊鎮、城東南一百二十里

章麻林、城東南一百五十里野照店、城東南一百五十里良堃店、城東南一百二十里底店鎮、城東南九十里計都

鎮、城東南八十里曹務鎮、城東南七十里治平川、城南一百二十里人當川、即合河口城南一百二十里威戎鎮

城南四十里韓家店、即雷搭灣城南六十里乾磴鎮、城南三十五里營屯寨、城南二十里朱清寨、城南二十里雷

陽鎮、即紅寺兒城西四十里高家堡、城西四十五里界石堡、城西六十里寺嘴堡、即泗溝河城西南六十里下張節

里衛

蘭州俊華印書館排印

城西南 二十里 同家堡 城西南 八十里 官道岔 城西北 十五里 麥戩掌 城西北 一百四十里 張門川 城北 二十里

上下峽 城東 二十里 頁河子 在隆德縣境 城東七十里 乾溝鎮 城西南 五十里 孔家倉 城南 一百二十里 孫謝

家 城南 一百二十里 單家集 城北 五十里

東南鄉堡曰黃花山景家堡、李家店堡、乾禮川廟兒堡、馬楊王堡、馬口堡、景家堡、李家溝、三岔堡、唐家堡、馮家高山堡、密松溝堡。

南鄉堡曰雙峴馬家堡、楊家堡、泥河子、杜家堡、靳家寺、吳家廟堡、威戎堡、風台堡、計都鎮堡、北山蔚家堡、石門高山堡、水洛紫荊堡、楊家堡、胡家堡、南岔堡、段家堡、水洛孫王劉家堡。

西南鄉堡曰齒落峪、梁家堡、馬家堡、黑石山、楊家堡、小南岔、黃家堡、新店子堡。

松柏峪、任家堡、高廟堡、麻家岔、平川堡、古蹟堡、人當川、馬家堡、劉家堡、青石山堡、陽三川、石洞堡、梁家堡、文家塌、山堡、徧草溝、跌脚堡、馬家堡、垂家川、萬家堡、高家坪堡、峽山、劉家堡、劉家溝堡。

西北鄉堡曰：席家堡、高家堡、北岔口、馬家堡、陳家堡、夾灘、張家堡、一枚土、劉家堡、溫家川、雷家堡、石嘴堡、王家堡、店頭寺、龍王廟堡、麻家川、李家堡、崔家堡、大麻堡、同家堡、呂家堡、韋家堡、石馬坪、雷家堡、拋龍川、顧家堡、魏家堡、柳林岔堡、張花兒堡、趙家堡、孫家堡、王家堡。

衛改隸州凡三：曰平涼衛、曰固原衛、曰岷州衛。

平涼衛南路曰景家寨

離城三里在下張節地方

張王家河

離城四里在下張節地方

柳家庄

離城十五里在營屯寨地

方泥河寨

離城二十里在營屯寨地方

林套界

離城五十里在威戎地方

鄭家山

離城一百四十里在朱家店地方

姚家

河

離城八十里在治平川地方

西路曰趙石坡

離城五里在下張節地方

吳家灣

離城十里在下張節地方

后家川

張節地方

水岔裏

離城八十里在寺嘴堡地方

李林岔

離城十五里在官道岔地方

楊馬家庄

離城十里在官道岔

地東南路曰呂家界

離城二十里在下峽口地方

牛站溝

離城二十里在朱清寨地方

西北路曰張閻蠻

川

離城十里

喬家寨

離城三十里

劉掌官

離城三十里

張家溝

離城十五里

解家坡

離城四十里

土岔

離城一百八十里

小堡子

離城八十里

王公兒

離城三十五里

東北路曰四岔裏

離城十五里

唐家

岔

離城三十里

篩子河

離城五十里

固原衛曰四百戶

在岱家山離城五十里

五百戶

在單家集離城四十里

七百戶

在夏家寨離城三十里

八百戶

在高鎮寨離城五里

九十百戶

在小寨兒離城五里

岷州衛西南路曰

附馬牙寨

離城四十里在同家堡地方

席旗寨

離城四十五里在同家堡地方

達達岔

離城五十里在寺嘴堡地方

郅旗



寨離城六十里在河溝寨離城五十里在西路曰曹家寨離城二十五里在下張節地方柳林寨離城六十里在

寺嘴堡地方張家峽頭二寨離城六十里在西北路曰席家堡離城二十五里在官道岔地方

土閣寨黃白二旗離城二十五里在官道岔地方下寨離城二十里在官道岔地方中寨離城二十五里在高家堡地方井

溝離城三十里在高家堡地方

本州東陣六盤西通安會南控秦徽北峙固鎮為三邊咽喉衝要明洪武已酉先立屯田有平涼衛鞏昌衛岷州衛西古城衛甘州中護衛并續建固原衛韓府安東衛與夫欽依田地楚府營草廠苑馬寺草廠凡附郭四圍平川地畝灌溉可及者俱屬各衛因其境鄰邊疆首重軍務凡軍所佔地皆擇膏腴而處每年各衛籽粒馬草王糧等項不徵完納至洪武辛亥始設文臣建

里衛

蘭州俊華印書館排印

州牧民軍係屯住土戶民則寄籍新增軍強民弱且民地多沙磧溝澗崗坡極為磽薄兼以疆域遠鄙接連各邑東接華亭清水南接秦安莊浪西接通渭會寧東北接固原隆德軍衛雜處各邑混淆催徵甚苦守茲土者稱嚴疆

矣。錄李志

明初兵制靜寧附城皆衛地州西南關張家寨南稍門外朱清寨西南二里新寨南二十里泥河營屯等寨俱平涼衛前所屯兵地二百六十頃

州西三里彭家寨北三里仇家寨俱固原衛右所屯共地一百二十頃又西

南七十里紅土寨鞏昌衛右所地

州北一十五里吳家寨西十五里附馬寨二十五里土各寨俱岷州衛左所

屯共地一百六十頃。

州北六十里金滹沱寨、肅藩甘州中護衛前所屯、

人當川、席家堡、六十渠、瓦岔、好水川、長峪、北岔、南灣岔、官道岔、官地灣等寨、

俱韓藩安東衛所屯。

喬家寨、上張節寨、下張節寨、俱平固二衛所屯。

水洛城後溝等寨、西固所屯。

羊房城、麥戲掌、俱故藩下草廠。

以上錄黃志

靜寧州志卷之一 終

靜寧州志卷之二

錢塘 王烜蘭坡 修定

建置志第二

教養兵戎、政之要務、而靜寧爲邊腹首衝、則兵爲尤要、未可謂百年休養、烽火不警、無煩杞憂也、余故於建置志中、補輯兵防、備錄關隘、以略存其概、然昔人云信義不明、倉貯不備、卽兵亦適足爲累耳、斯言也、又詎可謂恆言而忽諸。

城池

靜寧城建於宋、元明因之、洪武初、減外城爲內城、周五里七十五步、景泰元年、

知州李華奉文築城開西南關二門天順初知州蓋駿仍築外垣周六里五十步更築東西月城周七里八十六步成化四年知州靳善重築東南北郭城環袤九里東西達內城爲二門復建樓於東西二門之上各五楹十一年知州祝祥築外東關嘉靖十四年知州劉琬重修十九年知州李時中始開南門修城樓並建四隅樓萬歷四年知州王冠增修又廓西關二十三年知州潘汝愈增修北城樓

本朝順治十年地震雉堞傾頽知州劉瑞重築周五里一分高三丈四尺深一丈八尺十七年夏六月陰雨破塊知州李民聖補築康熙五十七年地震雉堞盡頽雍正二年知州李正發重修西門樓乾隆七年知州楊國瓚補葺東

門樓凡州城內外大城門三東曰迎春西曰餞暉南曰向離西關門一曰戢寧南關門一曰保障東月城稍門一東關南北便門二東稍門一南新城門一西月城夾城門一南關稍門一

### 官署

州署在城中宋祥符中建廣一百一十六步袤一百六十餘步前接中東街後抵北街民垣明洪武四年知州歐陽信肇修成化十四年知州祝祥踵修大門建樵樓五楹儀門三楹東西角門各一堂五楹在儲餉庫右神器庫贊理輔政二廳並列東西嘉靖中知州劉珣更於大堂之後建二堂三楹額曰思

政堂

康熙八年王牧札重修

本朝順治間知州李民聖復於二堂之後建三堂三楹額曰三省堂

丁牧克成易額曰皆山

宅在三省之後凡五楹康熙五十七年地震大堂二堂六房俱傾斜大門樵

樓盡圯雍正十年知州汪元祐捐貲建修大門及儀門乾隆六年州牧楊國

瓚詳請動帑修大堂五楹左為廣貯庫前軒三楹并修東西六房及土地祠

迎賓館兼修二堂三楹吏目衙在署衙道東康熙五十七年地震亦圯州

牧楊國瓚並請帑令捕衙程准督修之詳程自記獄一所在儀門內有女

監并獄神廟又舊有判官衙在衙道西今州署西書房即州判衙也旌

善申明二亭在州門左右俱廢址存醫學在州門前俱廢址存僧正司

在治平寺道正司在城隍廟行署凡六

察院在州治東今為隴干書院按察司在察院東久廢布政司在按察司東今



爲關帝廟兵備道在城東北涇陽驛巷久廢  
東分司今爲董公祠南分可在儒學東亦廢

儒學

附書院

儒學在州治東南

文廟之側明洪武六年知州歐陽信建宏治五年知州侯明修葺嘉靖十九年

知州李時中重修明倫堂東西爲興詩立禮二齋各五楹嗣學正朱炤乘易

名爲傳文約禮二齋堂後爲敬一亭三楹祭器庫在敬一亭西射圃五畝官

園十畝

俱在崇聖祠東又西方  
外有慕琛捐地半畝

本朝康熙三十二年知州董守義捐貲重修康熙五十九年學正朱照乘補葺

學正宅在明倫堂後訓導宅向在儒學久廢今賃民房聽事學生三十名

三年二貢增三十名入學。每歲考取文武生各十二名。科考取文生十二名。樂舞祭器。乾隆五年。州牧楊國瓚置造帛篚二十個。磁爵三十九隻。登一個。磁鏹一十八個。磁簋一百六十四件。磁簠一百六十四件。邊五百八十六件。豆五百八十六件。酒罇三個。銅爵一百三十三隻。牲俎二十個。麾旛二杆。琴八張。卓八張。瑟二張。架二搏拊二個。祝一欵。一龍笛二。鳳簫二。洞簫二。笙四。塤二。金鐘十六口。連架。玉磬十六塊。連架。應鼓一架。節二杆。羽十六。籥十六。戚十六。干十六。俱收貯學中。祭器庫書籍。向收貯。

上諭一部

聖諭廣訓一部。十三經一部。二十一史一部。性理一部。春秋一部。詩經一部。書

經一部駁呂留良四書講義一部今烜又請領朱子全書一部周易折衷一部日講四書解義一部部頒

欽定四書文一部俱送學收藏

隴干書院 靜寧向無書院舊志載社學三久廢成化中知州祝祥曾建書院於城隍廟西嘉靖間址廢改遷於州治東涇陽驛迤南後亦廢祇存遺址本朝康熙五十五年州牧黃廷鈺始構託素軒於署東偏察院之廢址又建正誼堂於託素軒之前名曰隴干書院集諸生講讀於其中勉以義理之學州士咸被其教育至今思之共設公之神主於正誼堂而奉祀焉今烜設義學於此延師授徒以續前賢之緒

倉貯

倉廩在州治西北街明成化中知州祝祥因地衝要申請題設大使一員賜名廣豐倉宏治中員裁廢廣豐爲州倉萬歷間兵備副使解學禮重葺兵燹以後止餘三楹

本朝康熙中知州董守義增修三十間知州丁克成又增修二十間歲丙申知州黃廷鈺又增修九間乾隆四五兩年知州楊國瓚又增修九十間共新舊倉一百三十九間共貯常平糧三萬四千有奇 社倉舊有七所先是知州裴文炳申請建於水洛曹務威戎等鎮每勸輸貯穀以備荒歉今並廢威戎倉士民改爲文昌宮

驛遞

涇陽驛故在州治東北有官署有牛馬王二祠有獄一所員裁並廢今驛歸州  
在州東偏馬王祠在驛後遞運所二一在州城一在高家堡明洪武四年知  
州歐陽信大使彭壽建堡城周二里五分成化五年知州靳善大使王臣補  
葺成化十六年知州祝祥增修垣壕內有公署一處正廳書吏俱全宅一所  
車房三十間鼓樓三間牛神廟一座獄一所員裁並廢明時額編涇陽驛中  
馬五下馬一十匹驢三十一二遞運所每所牛一十六  
本朝順治初奉衝僻冊定驛馬四十五匹每二馬應一夫共馬夫二十八名二  
遞運所共所夫六十名

舖遞 總舖在城州治之東東路舖一曰十里舖在平家河西路舖五曰十  
五里舖在官道岔又十里舖曰席家堡又十里舖曰姚家庄又十里舖曰高  
家堡又十五里曰界石舖接會寧每舖設舖司五名共二十五名

### 兵防

駐防靜寧州經制千總一員係固原提標城守營所屬馬步兵丁共五十名

馬兵二十五名  
步兵二十五名

分防東路營汛一處馬步兵五名

馬兵二名  
步兵二名

西路營汛三處馬步兵十五名

馬兵六名  
步兵九名

又分防水洛城一處馬步兵五名

馬兵二名  
步兵二名

分防底店鎮一處馬步

兵二名餘在城駐防

黃志云靜寧山外首衝而駐防兵弁顧極單微一有寇警城池莫恃王輔臣之變其前車已水洛城去州廓遠五方雜處並屬外委領卒一二其爲儆守益微矣趙氏浚谷有云靜寧東拒隴山南接棧道峻嶺奧區林藪莫測妖狐怪鼠或厠其間漢之邊章王國魏之万俟莫折唐之徐赤髭徐世勣後爲土番酋宋之史斌前史可鑒敢忘杞人之憂乎

墩臺 東西共四處東五里曰司家橋墩即上峽口西十五里曰官道岔墩又十

五里曰七里舖又三十里曰界石舖墩俱有營房

李志舊上峽口墩七里 北山墩北十里 南山墩天麻堡墩州西南十五

里 席家堡墩州西二十里界石舖墩州西五十里 同家堡墩州西南四

十里

先年有墩夫防禦瞭望晝夜嚴守以接烽火今皆廢弛其各墩北接固原寧夏東接隆德西接會寧安定西南接通渭鞏昌諸處一有聲息輒相傳聞此係順治年

間墩臺昔繁今簡因乎時也

簡因乎時也

演武廳

在州東北二里廣百餘步袤二百餘步明萬歷間知州劉默奉文

建置將臺官廳箭道圍牆重備後廢康熙五十五年州牧黃廷鈺捐俸復建

詳自記見藝文志

今廳廢地存

駐防衙署

在南關康熙五十七年地震衙署傾圮止存遺址現在賃居民

房

堡寨

廢軍故城橋梁附

得勝寨

在州東北九域志天勝六年置得勝砦在州西北八十里領開遠堡



宋史康定二年趙元昊謀寇渭州韓琦使任福將兵自懷遠城趨得勝砦至羊牧隆城出敵後城寨相間纔四十里道近餉便據險設伏待其情歸邀擊之是也。

中安堡 九域志在州西三十五里慶歷三年置金志屬水洛縣又宋志水洛

城領王家城石門堡又治平寨領牧龍堡

高家堡 在州西四十五里舊爲戍守處今置遞運所於此明成化五年知州

靳善令州民屯軍復修古堡五十一宏治十四年知州閻重增五十七

德順廢軍 在州東南宋置九域志廢歷三年以渭州隴干城置通考德順軍

漢番互市之地在六盤山外元省

堡寨

阿陽廢城 在州南漢置縣屬天水郡晉省後魏復置隋省章懷太子曰阿陽

故城在隴城西北卽此又寰宇記阿陽城以在河之西北故名。

隴干廢城 在州南宋志德順軍治隴干縣以外底堡置宋祥符中知渭州曹

瑋築城戍兵守之嘗曰異時涇渭有警此必爭之地慶歷間經略使韓琦請

建爲軍

水洛故城 在州東南一百二十里水經注水洛水經水洛城又犢奴川水經

水洛亭南宋范仲淹曰朝那之西秦亭之東有水洛城鄭戩曰水洛城西占

隴底秦州秦往來之路隴之二水環城西流繞帶渭河川平土沃廣數百里

又有水輪鉛銅之利慶歷三年劉滬密使臣主鐸斯那內附戩卽遣滬築之

舊志云、韓琦既建德順軍、遣四路都總管、築水洛城、至金升爲水洛縣、元并入隴干。

威戎故城 在州西南四十里、宋志德順軍領威戎堡、金升爲縣後廢。

治平故城 在州南八十里之治平川、舊志云金置、宋吳璘遣大將王中正破

敵立功處、九域志德順軍領治平砦、治平四年置金升爲縣、元并入隴干。以上

九條俱  
見省志

登高臺 在州治東、宋建於城最高處、以爲瞭望之所。

甜水橋 在州南四里跨甜水、

苦水橋 在州西五里跨苦水、

若有河橋、在州北五里、

雜置

鄉約所 故無定處州牧黃廷鈺於七街二十一鎮各給

聖諭十六條一冊以律例配貼令約正副於道路適均處講解而徧曉之今仍

其舊

養濟院 舊在州治東故涇陽驛巷久已頽廢今烜因此地卑 遷於城東捐

貲重建院內額設孤貧三十名每名日給口糧三分在地方官支項下支銷

不敷者赴司請領又額外孤貧並無額數隨時收養其口糧墊給請領詳藝

文志

漏澤園 在東郭外計有五畝立有石碑  
舊志漏澤園在南門外後被河水浸崩宏治中知州閻重改移於厲壇之東即今處也

壇廟 寺觀附

社稷壇 在城西

山川風雲雷雨壇 在城南

先農壇 在東郊

以上壇宇明洪武四年知州歐陽信創建十五年知州陳士信踵修成化二  
年知州靳善增飾壇故各有祠宇日久廢爲曠地

本朝康熙五十五年知州黃廷鈺於風雲雷雨社稷壇各築門垣封土爲壇樹

文廟

蘭州俊華印書館排印

木爲主乃並如制

先農壇於雍正五年知州杜國昌奉 敕建祠

文廟 在州治東南前抵街後抵訓導宅左射圃右儒學廟之東隅爲崇聖祠  
廟左右東西廡相連戟門戟門前泮池池西一門通明倫堂池東一門通崇  
聖宮池前櫺星門射圃東有菜園十餘畝供一州官吏引水環廟入池西出  
儒學大門戟門左右列名宦鄉賢祠臺榭埤堦皆石門內植槐榆門外列雁  
翅坊按故志廟學當元時在州治西北隅卽今之紫極觀地也明代之初尙  
仍其舊至嘉靖間知州李必敷李時中先後鳩工遷於今地

本朝順治中知州李民聖重修康熙中傾頽已極知州董守義捐貲督工重修

七載告成煥然一新初廟龕壞聖像改遷後圖像以祀順治十七年固原兵

備道武全文以爲孔子如天地然天地不可像而祀也於是徹像祀木主

崇聖祠 在廟東乾隆十年知州王烜捐貲重修

忠義祠 在學宮東隅

節孝祠 在州城東街

文昌祠 在紫極觀

關帝廟 在州西治平寺右、明洪武七年建、一在州東郭內係布政司行署廢

址康熙元年建、一在南關朱清寨、

城隍廟 在州治西宋元爲二吳王祠、洪武五年、知州歐陽信改建成、化間知

州郭增宏治十二年知州閻重隆慶三年知州張世威並重修。

旗纛廟 在東北郊今廢

厲壇 在城西北隅

八蜡廟 在東郊知州董守義創建知州楊國瓚重新

東嶽廟 在西郊外

龍王廟 在州南山有神湫旱禱輒應

亂石廟 在南郭宋嚴輝嚴茂保障西夏宋乾德三年敕建祠祀之一在章麻

林駱起明記云亂石神者蓋宋時乾德間人也伯仲二人伯曰嚴輝仲曰嚴

茂保障西夏有功又爲民除虎患卒於乾德三年八月三日敕封進爵爲王



仲世祀章麻林伯世祀隴干之西鄙歲時遇旱禱之輒應伯仲有九子八登  
進士曰士仁曰士義曰士禮曰士智曰士信伯出曰士忠曰士良曰士賢曰  
士孝仲出唯孝不應舉以道學著名世居章麻林祠廟里人葺之西鄙祠宇  
因兵頽廢里人亦糾衆重新之按今亂石廟在南郭此云西鄙以隴干而言  
也廟猶存

三將軍祠 在東郭外祀吳玠吳璘劉琦嘉靖二十七年建乾隆五年知州楊  
國瓚重修

忠烈祠 在水洛城北山麓祀宋劉滬

治平寺 在城內西北隅明洪武三年建

華嚴寺 在州南四十里威戎鎮西宋元敕建修明正德年間重修又通邊鎮  
亦有華嚴寺

紫極觀 在城西北隅元廟廢址也明建

大佛寺 在水洛紫荆山

秋月觀 在州南石門山

靜寧州志卷之三

錢塘 王烜蘭坡 修定

賦役志第三

陸宣公極論楊炎兩稅之弊謂惟以資產爲宗不以丁身爲本誠至言也乃兩稅之法沿之千載而不易者豈不以租庸調之成規雖本於三代而兩稅之名實簡而該歟今之地丁卽兩稅也而以地載丁則又並兩稅而一之徵輸均易民樂其便第安之旣久恐民知有賦而不知有役耳靜寧地稱瘠薄賦亦最輕役則官僱斯誠小民樂利之秋也然荒歉時聞蓄積無備且民情好麴蘖而尙吁盧是不可不有以易之故以風俗典禮著之斯篇以見教之

賦役

蘭州俊華印書館排印

不可緩也

一地丁原額川用平陡坡折正一等共民地二萬七百三頃八十五畝六分一

釐二毫內除豁免荒地並增新墾等項一萬五千七百八頃十五畝七分四

釐二毫止實熟地四千九百九十五畝八分七釐

每畝科本色糧九勺六撮五圭四粟五粒科折色糧七合六勺

五抄一撮八圭二粟三粒

該本折色糧四千二百五十石九斗六升三勺九抄七撮一圭八

粟內 本色存留糧七十八石五斗八合八勺五抄七撮二圭八粟四粒二

顆 本色學官倉糧三百七石五斗一升七合一勺三抄三圭六粟八粒一

顆

每石折徵銀七錢

該銀二百一十五兩二錢六分三釐一毫一絲五忽二微三纖

三塵六渺一漠 折色糧四千一百三十四石九斗三升四合四勺九撮四

圭二粟八粒一顆 每石折徵銀一兩二錢三分九毫五絲七忽八微 該銀五千八十九兩九錢一分八

釐八毫三絲五忽七微八纖四塵三渺五漠

原額人丁三門九則不等共折下下丁二萬四千六百一十八丁內除豁免

逃亡及優免並招回編審新增出丁等項止

實在丁四千一百七十八丁 每丁徵銀一錢六分四釐四毫一絲八忽五微九纖 共該銀六百八十六兩

九錢一分八絲九忽三纖於雍正五年奉

旨通省以糧載丁此項丁銀停其徵取按照實徵地畝糧銀數目 每糧銀一兩均載丁銀一錢六

分八釐七毫四絲四忽六微七纖四塵九渺一漠 應徵 均載丁銀九百兩八錢七分八釐九毫四絲

七微二纖 遇閏加銀四十三兩九分四釐八毫八絲二忽九微一纖五塵九渺九漠 又於乾隆二年收入額外 匠價

銀二十七兩七錢二分 遇閏加銀二兩三錢一分

以上地丁實徵並匠價連閏共銀六千二百七十九兩一錢八分五釐七毫

七絲四忽六微五纖三塵九渺五漠 又額外課程銀三兩二錢四分 遇閏加銀

二錢七分 地稅銀八兩共六千二百九十兩六錢九分五釐七毫七絲四忽六微

五纖三塵九渺五漠內起運銀三千八百五十二兩八錢四分六釐二毫八

絲八微七纖六塵五渺三漠 遇閏加銀二十七兩二分二釐五毫五絲六忽六微三纖九塵九渺三漠 存留官役俸工

心紅站支經費雜支孤貧口糧布花並復廩糧協站兌留兵餉共銀九百三

十四兩二錢七分七釐二毫二絲八忽九微二纖二塵三渺九漠 又扣存解部藥價并盤纏

銀三錢一分七釐三毫八絲一忽九微三纖九塵一渺 又存留受協西鳳二府站支兌留兵餉驛支銀一

千四百五十七兩五錢八分

遇閏加銀七兩一錢四分二釐三毫二絲六忽二微七纖六塵一漠

存留驛站銀二

千一十四兩八錢九分八釐四毫六絲八忽六微四纖六塵二渺五漠

遇閏加銀

一百四十六兩七錢

額設馬四十五匹每匹日支草料銀五分每年遇閏共支銀八百

七十七兩五錢 夫二十八名每名日支銀三分每年連閏共支銀三百二

十七兩六錢 外備銀一百八十兩 供應過往差員口糧銀五十兩 募

夫六十名每名日支工食銀三分每年連閏共支銀七百二兩

應解司庫站支扣解開墾銀二十四兩四錢九分八釐四毫六絲八忽六微

四纖六塵二渺五漠

存留支銷經費雜項銀二百三十兩二錢五分八釐八毫六絲二微七纖六

塵八漠遇閏加銀七兩一錢四分二釐三毫二絲六忽二微七纖六塵一漠 二項共銀二百三十七兩四錢一釐

一毫八絲六忽五微五纖二塵九漠內

一應解布政司庫各官閏俸銀八錢七分八釐四毫八絲三忽九微五纖七塵

一應解布政司庫奉裁燈夫工食銀四兩三錢七分七釐九毫二絲二忽四微

六纖六塵

一應解布政司庫奉裁燈夫閏月銀一錢四分七釐九絲六忽二微

一應解布政司庫奉裁民壯閏月銀一兩八錢四分二釐四毫五絲二忽五微

一應解布政司庫知州俸薪銀內應攤佐雜復荒銀三兩一錢九分二釐六毫

八絲九忽三微七纖六塵六渺



一應解布政司庫紙劄銀九錢七分八絲

一應解布政司庫奉裁表箋銀一兩一錢三分五釐四毫

一應解布政司庫奉裁司銀二兩六錢一分五釐九毫四絲六忽

一應解布政司庫奉裁舖司閏月銀九分九釐二毫六絲九忽一纖三渺

以上共應解銀二十五兩二錢五分九釐六毫三絲九忽五微七塵九渺

止該經雜連閏銀二百二十二兩一錢四分一釐五毫四絲七忽四纖二塵

一渺九漠

知州一員額支俸薪八十兩內除荒實支銀一十四兩五錢九分九釐七毫四

絲三忽九微四纖內除應攤佐雜復荒銀三兩一錢九分二釐六毫八絲九

忽三微七纖六塵六渺止該實支俸薪銀一十一兩四錢七釐五絲四忽五

微六纖三渺四漠

門子二名每名歲支工食銀六兩共銀一十二兩

遇閏加銀七分三釐六毫九絲八忽一微

皂隸一十六名每名歲支工食銀六兩共銀九十六兩

遇閏加銀八兩

馬快八名每名歲支工食銀一十六兩八錢共銀一百三十四兩四錢

遇閏加銀

九錢二分五釐四毫一絲八忽八微六纖八塵三渺

民壯五十名每名歲支工食銀六兩共銀三百兩

禁卒八名每名歲支工食銀六兩共銀四十八兩

遇閏加銀二錢九分四釐七毫九絲二忽四微

轎繖扇夫七名每名歲支工食銀六兩共銀四十二兩

遇閏加銀二錢五分七釐九毫四絲三忽三微

五  
纖

庫子四名每名歲支工食銀六兩共銀二十四兩  
遇閏加銀一錢四分七釐三毫九絲六忽二微

斗級四名每名歲支工食銀六兩共銀二十四兩  
遇閏加銀一錢四分七釐三毫九絲六忽二微

吏目一員俸薪銀三十一兩五錢二分

門子一名歲支工食銀六兩  
遇閏加銀三分六釐八毫四絲九忽五纖

阜隸四名每名歲支工食銀六兩共銀二十四兩  
遇閏加銀一錢四分七釐三毫九絲六忽二微

馬夫一名歲支工食銀六兩  
遇閏加銀三分六釐八毫四絲九忽五纖

教官二員俸薪銀三十一兩五錢二分  
又於乾隆年間加增教官品級照知州俸增銀四十八兩四錢八分

齋夫三名每名歲支工食銀一十二兩共銀三十六兩  
遇閏加銀二錢二分一釐五絲九忽三微九纖六塵

賦役

九渺

膳夫二名每名歲支工食銀六兩六錢六分六釐六毫七絲共銀一十三兩

三錢三分三釐三毫四絲

遇閏加銀八分一釐八毫八絲五忽三微九纖六渺

門斗三名每名歲支工食銀七兩二錢共銀二十一兩六錢

遇閏加銀一錢三分二釐六毫六絲

五忽三微九纖

廩生三十名每名歲支廩糧銀二兩八錢共銀八十四兩

遇閏加銀六錢五分一釐七毫一忽七微六纖

九塵三渺九漠

以上經費除實徵自支又赴司請領不敷銀七百六十七兩七錢六分三

釐七毫三絲六忽九微四纖一塵八渺八漠又領教官加增俸銀四十八

兩四錢八分

文廟春秋祭祀銀七十兩

內日支一十二兩七錢一分六釐四毫

鄉飲銀原額二兩

除荒止支

銀三錢六分三釐三毫二絲六忽

鐘鼓夫一名歲支工食銀二兩四錢

遇閏加銀一分六釐四毫六絲七忽五微六纖七塵一渺九漠

舖司二十五名每名歲支工食銀二兩四錢共銀六十兩

遇閏加銀五兩

舊額並新收孤貧三十三名每名日支口糧一分共銀一百一十八兩八錢

遇閏加銀九兩

又孤貧花布銀一十五兩七錢

除荒止支

銀二兩八錢五分一釐四毫七絲五忽

八微三纖九塵九渺七漠

以上雜支除實徵自支又赴 司請領不敷銀二百二十三兩八錢八分一毫三絲五忽九微四塵三渺九漠

一鹽課 歲額銷花馬小池鹽引七千張每張徵課銀二錢一分五釐五毫共

銀一千五百八兩五錢係商人自領引張銀自解

一雜稅 有當稅牙帖畜稅磨課數項俱無定額儘收儘解

州境水磨 朱清寨 水磨八輪 韓家店 五輪 治平川 一輪 威戎鎮 四輪 乾磴鎮 十七輪 下峽口

二輪 上峽口 五輪 貝河子 四輪 曹務鎮 十三輪 計都鎮 十四輪 底店鎮 十四輪 通邊鎮 二十輪 野

照店 五十輪 章麻林 三十輪 良埜店 五十輪 下張節 三輪 人當川 十二輪 焦韓店 九輪 水洛城

八十輪 朱家店 七十輪

以上水磨共四百八十座每座每年納課銀一錢二分

州境市集

本城每日集

水洛城雙日集

韓家店二九日集

朱家店單日集

紅寺兒四九日集

溝河

三七日集曹務鎮三六日集

威戎鎮一四七集

通邊鎮一日集

章麻林二八日集

乾禮鎮三六日集底店

鎮

四七日集合河口雙日集

李家店二四七日集

孫謝家五八日集

孔家倉一日集

乾溝兒三六九集樹兒

灣

二五八集野照店五日集

本城舊利

牲畜市

在東關

過客店

在西南關

布店

在西街

鹽店

在東中街

集市

在通化北街

以上市集大小不等畜稅亦盈縮不一每年解司銀一百二三十兩不等奉

文扣除酌留書役飯食紙筆銀二十兩按季領給

賦役

蘭州俊華印書館排印

一更名 原額地二百九十三頃四十八畝三分八釐內除免荒若干外止實

熟地一百九十三頃一十七畝二分一釐 每畝科折色糧六合四勺三抄九撮二圭五粟五粒 共徵糧一

百二十四石三斗八升八合四勺四抄一撮九圭 每石折徵銀七錢四分八釐六絲八忽六微 共徵

銀九十三兩五分一釐一毫一絲三忽二微七纖八塵又均載

丁銀一十五兩七錢一釐八毫七絲九忽八微六纖一渺一漠 閏月銀五錢七分二釐五毫六

絲八微三纖四渺二漠

以上地丁二項共徵銀連閏一百八兩七錢五分二釐零俱起運

一平涼衛 原額屯地四百六十一頃二十畝內除荒并改歸及新收等項若

干外止



實熟地一百七十七頃二十四畝三分每畝科則不等應徵本色起運糧九百六十

九石八斗五升三合每石徵地畝草價銀四分三釐七毫八絲七忽七微四纖三塵二渺五漠應徵銀四十七兩九錢

二分九釐七毫二絲五忽八微九塵六渺八漠

實在丁三百四十二丁半實徵均載丁銀二十一兩五錢七分七釐五毫遇閏加銀

九錢三分二毫七絲六忽

以上地丁二項共徵銀六十九兩五錢七釐二毫二絲五忽八微九塵六渺

八漠

一固原衛 原額屯地一千一百三十七頃四十五畝二分一釐內除荒并改

歸若干外止

賦役

蘭州俊華印書館排印

1911年11月11日

實熟地二百一十八頃四十四畝一分四釐每畝各徵銀糧草束不等應徵 本色起運糧

五百三十五石八斗四升三合五勺 草八百六束八兩九錢四分 地畝

均徭銀三十四兩九分一釐九毫八絲七微九纖二塵實在丁六百三十八

丁每丁徵銀八分六厘五毫實徵均載丁銀五十五兩一錢八分七釐

以上地丁二項共徵銀八十九兩 一錢七分八釐九毫八絲七微九纖二

塵

岷州衛 原額地七十六頃八十二畝八分二釐一絲內除荒地并地震崩

壓若干外止

實熟地四十三頃三十一畝三分一釐九毫每畝科糧六升六抄五撮七圭六粟九粒共徵本色起

運糧二百六十石一斗六升七合七勺三抄七撮一圭五粟五粒二顆每石徵地

畝草價銀六分一釐五毫三絲九忽九微一纖四塵七渺應徵銀一十八兩九錢七分八釐九毫九忽六微九

纖三塵四渺八漠每石徵收九釐銀六分九厘七毫七絲一忽五微三塵六渺一漠共九釐銀一十八兩一錢八

分七釐一毫八絲

實在屯丁一百九十丁每丁徵銀一錢六分八釐七毫五絲六忽七微一纖五塵三渺共徵丁銀三十二兩六分

三釐七毫七絲五忽八微八纖八塵遇閏加銀二兩五錢六分八厘

以上地丁二項並九釐銀共銀六十九兩二錢二分九釐八毫六絲五忽五

微八纖一塵四渺八漠

一戶口 民更十四里共戶一萬五千九百三十八戶共口一十四萬三千八

賦役

蘭州俊華印書館排印

中華民國二十一年一月一日

百八十九口

三街共戶一千六百六十六戶共口一萬三千三百六十六口

黃志云明季以來亂政日滋公家遞運移於私室於是有報站之名小民粗有身家合報牛站每歲過往扛轎夫役以及家口車輛諸費皆令其人當之而姦胥嚇索又有幫站之費故牛站一當而人家破矣不第靜寧一地爲然也自是而後藉口過往供億每歲爲銀若干分派里下於是有供應之名歲終錢糧奏報上下冊籍小費不乏虐取遂盈於是有奏銷之名假借公典以肥私橐於是有來箋之名此其大者已其他一切陋規歲入官總計不下數千金而贏而重耗不與焉自康熙四十年知州董守義令民自封投櫃頓格

陋規此弊漸息而靜寧之民不困於輸將者數十年矣宜乎休養生息漸臻富庶之美也

風俗 月令附

靜寧民性剛直好施尙義業農頗勤廣於孳牧能紡毼毯善養馬尙氣力亦好音樂歌謠飲阿刺乞燒酒婚姻鄉僻以牛馬爲禮紳士之家擇壻論門第不索財反厚資妝禮俗同於府但媒妁必用三四十人至少亦不下十二人以此相誇喪禮首七開弔倩賓回禮多至百人於禮既過喪家爲費亦鉅間有欲厚葬未克數年停柩變凶從吉與夫隨喪嫁娶有孫承重而支子輒先者風尙故稱儉朴今漸華侈象箸錦褥庶人競用俗尙鬼重巫多訟嫁女死勒索

風俗

蘭州俊華印書館排印

孝布酒食例必引族控告南鄉民尤健訟植黨樹翼什伯爲羣動輒犯上爲  
上者不可不以身正之身正則不怒而威矣。黃志

正月朔味爽供饌祀先禮畢拜尊長親友交賀三日撤祖先奠夜焚楮門外酌  
酒名曰送家親五日除舍謂之掃五窮各食團飯十四日演燈起凡三宵遇  
豐年亦製鰲山放烟火鬪高臺鼓吹喧闐爲樂十六日遊觀至晚俗謂遊百  
病設讌往還終月乃已婦女戲鞦韆過清明方止 是月也積雪猶冬百物  
未萌雞始伏卵農輾麥地田運糞

二月二日味爽男女持箕布灰狗牆屋基祀龍擡頭辭三日祭文昌各街獻戲  
放煙火 是月也羣物始交鳥乃鳴冰漸解草木有生意岸伐柳肆啓冬窖

播麥豆夏禾

三月寒食不舉火會客清明拜掃先墓禮畢共相享能廿日朝翠屏八日朝西

川嶽祠各竟日乃還 是月也始露雷始聲六畜交始字鳥羣訛雞登伏柳

始葉迎春探春連翹山桃櫻桃杏始吐花丁香始萼芍藥萌芽燕子至百役

俱興牛羊飼穀種諸蔬接果卉及壓桑榴葡萄枝榴無地植惟盆景薦韭食菠稜造

醋馬始宦農夫梳殺癩絨

四月農人羣祀山川湫神以祈穀謂之青苗醮八日朝西巖及主山或供水羣

鼓樂禮佛下旬賞牝丹 是月也花序開麥始節苜蓿苦菜登六畜修孕農

夫大播秋穀南鄉種稻鋤麥治政地植瓜茄瓠韭羊剪毛合醬

風俗

蘭州俊華印書館排印

五月以角黍相遺婚家以綵綫諸物餽節端午五更牧童占高山味爽折柳剪艾插門首畫五毒佩蒼朮飲雄黃酒採百藥造麴摘玫瑰以蜜飴 是月也  
萱草麗春山花大開羣字羊毛復農盡耘桑乃向山川播收榴始花種萊菔  
治麥場牛馬肥

六月夏禾登以新麥筍雞薦先食王瓜間以耘 是月也二麥諸豆青稞大登  
杏實雷雨作農夫悉雹傷禾稼卉之秋實者盡華治麥豆地爲來春始播基  
七月七夕婦女陳瓜果祈巧望日焚楮醑酒於先墓各鄉爲孟蘭會 是月也

桃李實麥盡登場種冬蔬食茄造秋醋復耘秋禾覆耕地高山遠塞或霜  
八月望日以瓜果酒餅相遺夜祀月婚家行禮如端午節 是月也稷有香菽



大華水大至山葉黃刈新芻乃種宿麥爛苧稷食之羊再剪毛始孕霜凝雁來燕去

九月九日餽節如中秋登高飲酒衣綿醃冬菜辣芥窖萊菔根造氈裘山多露積 是月也禾大登南鄉獲稻農人報賽菊有花六蓄鳥獸大肥

十月朔薦祖先剪紙服焚門首謂之送寒衣具裘堦戶收芻穰採山薪大縱六畜農之任者以者放罷始獵多葬事 是月也霜大至地始凍

十一月冬至親友交賀次元旦儀食燭酒薪炭大登六畜成秣穀大獵設網罟機陷取鳥獸 是月也冰望氣凜冽

十二月八日以肉腐羹菜作粥獻祖先祭門多釀酒乃作新歲事望後各以羊

豕雞鴨雉免菜果酒醯諸物相賀儲薪炭油蠟二十三日晚以糖餅雄雞祭

竈謂之送神歸天除日多嫁娶信術家禁婚之說取歲官交承之義晚又祭竈謂之迎神下界易

桃符貼門神設奠祖先集少長行禮焚楮門外酌酒名曰接家親男女以序

獻酌三鼓各獻酒穀祭天神竈神爆竹鼓吹譟呼終夜名曰守歲是月也

如仲冬

黃志云靜寧在六盤美高之西節序後平涼又二旬視中原益遠三月始見

春夏伏且晚時似涼秋地磽難語黃壤又失天時歷書月令難為據矣今依

趙氏浚谷府志例並次其要於篇令長民者節宣焉

物產

穀類 春麥 冬麥 大麥伊青稞 豌豆 扁豆 稻惟黃豆 大豆 涼

穀 黃穀 白穀 紅穀 青穀 糜青紅黃三色 胡麻 麻子 油麥 燕

麥 苡麥

蔬類 王瓜 葫蘆 瓠子 茄子 南瓜 西瓜 蔥 白菜 芹菜 芥

菜 蔓菁 高苣 芫荽 韭 蘿葡一名萊菔 薺 小蒜 苦苣 菠菜 苘

蒿 蒜 苦菜 黃花 木耳 鹿角 蒼蘆俗名甜菜 蕒 芸芥 地蔓

蕒 俗名藜 灰茗

果類 櫻桃 秋桃 榛子 橡子 松子 花紅 杏 林擒 桑椹

胡桃 葡萄 延壽果 李 棗

物產

蘭州俊華印書館排印

花類 牡丹 芍藥 薔薇 萱草 紫荊 山丹 石竹一名剪春 丁香紫白二種

菊 玫瑰 玉簪 探春 麗春即虞美人 黃葵 鳳仙 珍珠 金盞 金罌

長春即月季 米穀 石榴 瓔珞 繡球大小有二種 十姊妹 紫蝴蝶 黃茨

梅 六月菊 藏金蓮 串枝蓮 佛指甲 紫茉莉 剪秋羅

木類 松 柏 杉 檜 榆 槐 椿 柳 楸 栗 楊 桑 梨 櫟

樺 椴 棗 檉即河柳 冬青

藥類 甘草 柴胡 黃耆 菖蒲 匾蓄 防風 知母 苦參 麻黃

升麻 葶藶 地丁 大戟 蒼耳 黃精 烏藥 遠志 細辛 石斛

胡蓮 茜草 貝母 土芎 青黛 蒺藜 茴香 葛根 白芷 前

胡 紫草 大黃 馬蘭 紫蘇 蒼朮 薄荷 荊芥 射干 即紫胡蝶花

白芨 蘆拔 可充饑染皂 枸杞 丹皮 花椒 桃仁 杏仁 芍藥

天南星 大風子 款冬花 地骨皮 益母草 車前子 刺蒺藜 巴

戟天 俗名貓兒眼 蒲公英 金銀花 五加皮 藥之間有者不備載

羽屬 雞 鴨 鵝 鴿 鷓 雁 鵲 鴉 鳩 鷓 隼 鷹 雀 鷓

鶉 半翅 野鷄 鶴 布穀 鷓雞 麻鷓 蠟嘴 金翅 黃鸝 練雀

鳴則殺 好舫

毛屬 牛 羊 馬 騾 驢 豕 犬 貓 熊 虎 鹿 獐 豹 豺

狼 狐狸 齧鼠 獾 兔 黃鼠 田鼠

物產

蘭州俊華印書館排印

SHINY SAATCHI & PARTNERS

蟲屬 蜂 蝶 蟬 蛾 蠅 蚊 螢 蝟 蛇 蟻 蝎 蚯 蚓 螳 螂  
 蜘蛛 螾 于 蝦 蟆 蜥 蜴 蝙蝠 蜈 蚣 蚰 蜒 潛 龍 斑 蝥 螻 蛄  
 蟻 蟻 蜻 蜓 螞 蟥 促 織 底 板

典禮

歲春秋二仲月上丁日五鼓祭

先聖 先賢於文廟

先師位祭品帛三爵三太羹一和羹一黍一稷一稻一粱一形鹽一藁魚一脾  
 肝一豚胎一醯醢一鬼醢一鹿醢一魚醢一鹿脯一韭菹一芹菹一笋菹一  
 白餅一黑餅一榛一菱一芡一栗一羊一豕一香燭具禮三獻樂奏咸和之

曲四奏寧和之曲一奏安和之曲一奏景和之曲一凡七章每月朔望率屬釋奠

四配位祭品如

先師位減太羹一設饌盤每位一壇禮并同

十哲今附先儒朱子先賢有子位帛一爵一和羹一黍一稷一形鹽一鹿脯一鹿醢一兔醢一

菁菹一芹菹一豕肉一栗一棗一獻爵三設饌盤一香燭具陳設每位一壇拜位東西各一壇

行分獻禮

兩廡位帛一爵四黍一稷一形鹽一鹿脯一鹿醢一兔醢一菁菹一栗一棗一

豕肉四設饌盤獻爵三香燭具陳設四位一壇拜位每廡三壇行分獻禮是日先四鼓祭

啓聖公品儀同正殿樂用鼓次

雍正三年奉

旨以太牢祀

先師追封 五代改

啓聖祠爲崇聖祠

四配位祭品視 十哲增豕首一從祀位並同減豕首一

名宦祠 祀古今二十一人 鄉賢祠祀古今十七人並如十哲禮是日也  
並祭

文昌之神於紫極觀之祠帛一牲一棗盛庶品畢具行獻禮

春秋二仲月上戊日祭



社稷於西壇牲帛粢盛禮三獻祭

風雲雷雨

山川

城隍諸神於南壇如 社稷禮是日也乃祭

土地神於州治之祠以 蕭相國 曹相國之神配祭

八蜡神於州東郊之祠祭

三將軍於東郊蜡祠西之祠祭

忠烈侯劉將軍於水洛城之祠祭

關聖帝於州治西之祠牲帛粢盛庶品俱同行獻禮

系...  
雍正六年奉

旨以太牢祀

關聖帝君追封 三代春秋致祭

歲立春前一日祭

先農於州之東郊率屬行迎春禮立春日祭

勾芒氏於州治二門東之次行鞭春禮驚蟄日祭

驚蟄神於州郊東清明泊中元下月朔日奉

城隍神祭厲壇於 社稷壇之比霜降日祭

軍牙六蠹神於州郊北知州初蒞任乃謁

城隍神於州治西之廟特性誓告月朔望日率屬

日月蝕并於州庭率屬行救護禮

二月初二日 土地誕祭初三日 文昌誕祭三月二十日祭 廣嗣元君於

翠屏之祠二十八日祭

東嶽大帝於西郊之祠四月十五日祭 隴水龍君於東峽口之新祠五月初

五日祭 倉廩神於州倉之祠十三日祭 關帝十八日祭 城隍六月二

十三日祭 火帝星君於通化街之祠二十四日祭 馬王於驛後之祠祭

西河龍王於河干之祠二十九日祭 惠澤大王於南郊之祠七月十二

日祭 九天聖母十五日祭 衛房元君並於翠屏之祠皆順民俗禱賽行

禮歲正日長至

聖節先一日知州率僚屬習儀其日五夜俱朝服詣治平寺拜

龍亭慶賀行三跪九叩禮歲時發表州庭禮如之

歲正月望日十月朔日知州設鄉飲酒於學選鄉大夫及耆老之有德行者

行鄉飲酒禮按鄉飲酒義賓主三揖三讓盥洗揚觶坐賓西北坐介西南以

輔之坐主東南坐撰東北以輔之工歌笙入間歌合樂自鹿鳴以下凡十八

章鹿鳴四牡皇華南陔白華黍魚麗由庚嘉魚  
崇坵有臺中儀關雉鵲巢葛覃采芣卷耳采蘋

賓興禮設燕於州庭於二門外為月宮橋披紅簪花鼓樂導引先行官師迎至

東郊按賓興亦稱鄉飲酒

新生入庠禮由州庭披紅簪花鼓樂導引先行出知州親送至學

迎貢禮設燕於州庭披紅簪花鼓樂引出知州親送旗匾於家

新科第進士舉人初至知州設燕於東郊外迎進城親造其家往賀

靜寧州志卷之三終

